



Ikamva-Ukunonophela
abantwana bethu

Isikolo seCawa 2

Isihloko sesifundo: Umpostile uPetros entolongweni

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiKolo seCawa esithi **“Umpostile uPetros entolongweni”**

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neepensile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasini ngaye (Umzekel. SS, RI okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncdo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amaqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



Isifundo

Isihloko seSifundo	Umpostile uPetros entolongweni
Isicatshulwa seBhayibhile	Zenzo 12: 1 – 17
Injongo yesifundo	Abantwana bafunda ukuba uThixo uyazikhusela izicaka zaKhe kwaye zigala ukugonda ukubaluleka kokuthandazela.

Isishwankathelo sesifundo:

AmaKrestu okuqala eYerusalem ayephathwa ngenkohlakalo. UKumkani uAgripa wayalela ukuba umpostile uPetros abanjwe afakwe entolongweni enenatyala. UKumkani wayeziva ukuba uPetros wayesisoyikiso kubukumkani bakhe ngokusasaza ilizwi likaThixo kumaKrestu kwaye wayeceleba ukumbeka enkundleni emva kwePasika.

Lonke ibandla lathandaza ngokunyanisekileyo nangobushushu kuThixo. Bacenga iNkosi ukuba ikhusele kwaye incede uMpostile wabo. Babethembele eNkosini kwaye bathandaza ubusuku bonke ukuba kubekho ummangaliso.

Ngesiquphe amalungu ava ukuba kukho umntu onkqonkqozayo emnyango, yayinguMpostile uPetros. Walicacisela ibandla ukuba wayebotshwe ngamatyathanga kwaye yena nabagcini sango babelele, xa ngequbuliso ukukhanya okuqaqambileyo kwamvusa; ingelosi yeNkosi yamxelela ukuba aphakame aza amatyathanga awa. Isango lentolongo lavuleka kwaye waphumela kuwo, kungekho namnye umgcini sango omqaphaleyo. INkosi yathumela ingelosi ukuba iye kukhulula uMpostile uPeter ngemithandazo yebandla. Lilonke labulela uThixo ngolu ncedo lungummangaliso.



Sithetha ukuthi esi sifundo kuthi namhlanje?

- Xa sithandazela abapostile bethu, iinkokheli, abazalwana kunye noodade bethu, iNkosi iyayiva imithandazo yethu.
- AmaKrestu obuPostile obuTsha athandazela abantu abangasekhoyo. Xa sisenza oku, sicela iNkosi ukuba ibancede abo bakwintlalo yabalele bekwimeko yokungakhuleleki.
- UThixo uthi kwincwadi kaMateyu 18: 20 'Kuba apho bahlanganisene khona egameni lam, nokuba babini nokuba baththu, ndikho mna apho phakathi kwabo.

Eminye imibuzo esinokuyibuza:

Umbuzo: Ucinga ukuba ibandla laziva njani xa labona umpostile uPetros emnyango ngobo busuku?

Impendulo: Lalivuya kakhulu kwaye linombulelo kuThixo ngokuva nokuphendula imithandazo yalo yokusindisa uMpostile uPetros. Lalisanda kungqina ngommangaliso.

Umbuzo: Kutheni ucinga ukuba kufuneka sithandazele abaPostile neenkokheli zethu namhlanje?

Impendulo: Zinomsebenzi omkhulu wokusilungiselela usindiso kwakunye nomhla wovuko lokuqala. Siyathandaza sicela uThixo ukuba azanike amandla okugqibezela umsebenzi waKhe.

Umbuzo: Ingaba unako ukucinga ngexesha apho wawuthandazela umntu othile?

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen